

RESOLUCIÓN REITORAL DE 12 DE XULLO DE 2022 POLA QUE SE APROBA A ORGANIZACIÓN DO OBRADOIRO “AULA PERMANENTE DE MÚSICA TRADICIONAL GALEGA DO CAMPUS DE PONTEVEDRA” PARA O CURSO 2022/2023.

A Vicerreitoría do campus de Pontevedra posúe capacidade para organizar cursos, obradoiros, conferencias, así como aquelas actividades que teñen como obxectivo, entre outros, a difusión do coñecemento e da cultura a través da extensión universitaria e a formación, en virtude das facultades que lle outorgan a Lei orgánica 6/2001, de 21 de decembro, de universidades modificada pola Lei 4/2007, de 12 de abril, e o Decreto 13/2019 de 24 de xaneiro da Xunta de Galicia polo que se aprobaron os estatutos da Universidade de Vigo.

Tendo en conta o anterior, esta Vicerreitoría, RESOLVE:

1 Anunciar a celebración do obradoiro “Aula permanente de música tradicional galega do campus de Pontevedra” para o curso 2022/2023, con suxeición ás bases que figuran no Anexo I.

2. Ordenar a publicación da presente resolución no taboleiro da sede electrónica <https://sede.uvigo.gal/>

Contra esta resolución, que esgota a vía administrativa, poderase interpoñer recurso perante a xurisdición contencioso-administrativa, no prazo de dous meses contados dende o día seguinte á súa publicación, de conformidade co disposto na Lei 29/1998 do 13 de xullo, reguladora da xurisdición contencioso-administrativa.

Así e todo, as persoas interesadas poderán optar por interpoñer contra esta resolución recurso de reposición no prazo dun mes contado a partir do día seguinte á publicación da presente resolución, perante o mesmo órgano que a ditou. Neste caso, non se poderá interpoñer un recurso contencioso-administrativo ata que sexa resolto expresamente ou se producise a desestimación presunta do recurso de reposición interposto, segundo o previsto no artigo 123.2 da Lei 39/2015, do 1 de outubro, do procedemento administrativo común das administracións públicas.

O reitor

Por delegación R.R. do 22/06/2022 (D.O.G. do 6 de xullo)

A vicerreitora do campus de Pontevedra

Eva María Lantarón Caeiro



ANEXO IOBRADOIRO “Aula permanente de música tradicional galega Campus de Pontevedra” 2022/2023

Obxectivos e temática:

1. Consolidar o Grupo de Música Tradicional da Aula Permanente, como un grupo musical formado, principalmente, pola comunidade universitaria e cualificado para facer actuacións de diversa índole. Os seus variados formatos (gaitas e percusión, zanfonas, acordeóns etc.) fan que sexa moi versátil para diferentes tipos de actos.
2. Continuidade na aprendizaxe e mellora dos instrumentos que se ofertan neste obradoiro. Ampliar os coñecementos dos instrumentos, que xa se empregan e mellorar tanto o seu manexo como complementar a formación coa aproximación a outros instrumentos relacionados.
3. Captación de novo alumnado para aumentar e enriquecer as posibilidades deste proxecto educativo musical.

Programa:

1. Grupo de gaitas e percusión. O seu traballo xirará sobre todo para a súa proxección pública, pois búscase fomentar a súa actuación en celebracións do ámbito universitario e extrauniversitario. Isto redundará na visibilidade do grupo e despertará o interese pola aprendizaxe dos instrumentos musicais de noso, ademais de consolidar o repertorio aprendido e ampliálo con outros temas universitarios, caso do “Gaudeamus”.
2. Grupo de zanfonas. A formación dirixirase a consolidar o grupo actual de 5 zanfonas, así como se buscará a súa proxección como grupo versátil e manexable para actos, nos que a gaita ou a percusión non sexan axeitados. Consolidaremos o repertorio folclórico actual e ampliáremolo do mesmo xeito que no grupo de gaitas e percusión.
3. Outros instrumentos. Trataranse de integrar outros instrumentos nos dous grupos, ademais de consolidar un terceiro que xa está en marcha (percusión miúda, acordeóns e ocarinas).

Días e horas:

Luns pola tarde, de 16:00 a 21:00 horas

O obradoiro de música tradicional desenvolverase en dous bloques:

Bloque I: do 5 de setembro de 2022 ata o 30 de xaneiro de 2023

Setembro 2022: 5, 12, 19 e 27

Outubro 2022: 3, 10, 17, 24 e 31

Novembro 2022: 7, 14, 21 e 28

Decembro 2022: 5, 12 e 19

Xaneiro 2022: 9, 16 e 23

Bloque II: do 6 de febreiro do 2023 ata o 9 de xuño de 2023

Febreiro 2023: 6, 13 e 27

Marzo 2023: 6, 13, 20 e 27

Abril 2023: 10, 17 e 24

Maio 2023: 8, 15, 22 e 29

Xuño 2023: 5, 12 e 19

Lugar:

Salón de Actos da Escola de Enxeñaría Forestal.

Docente:

Suso Vaamonde Manteiga



Observacións:

Para darlle estabilidade ao grupo, terá preferencia na matrícula o alumnado que xa participou nas súas edicións previas. A seguir, situaranse os membros da comunidade universitaria e, por último, o resto de persoas interesadas.

Total horas obradoiro: 180

Horas Bloque I: 95

Horas Bloque II: 85

Prazas: 80

Prazas Bloque I: 40

Prazas Bloque II: 40

Matrícula: campusactivo.uvigo.gal

Período matrícula Bloque I: desde o día seguinte desta publicación ata o 31 de agosto de 2022

Período matrícula Bloque II: do 24 de xaneiro ao 2 de febreiro de 2023

Prezo:

Bloque I:

Comunidade universitaria UVigo: 26,00€

Público en xeral: 40,00€

Bloque II:

Comunidade universitaria UVigo: 26,00€

Público en xeral: 40,00€

Información sobre Protección de datos:

De acordo co disposto no artigo 13 do Regulamento (UE) 2016/679, do



Parlamento Europeo e do Consello, de 27 de abril, relativo á protección da persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE (Regulamento Xeral de Protección de Datos ou "RXP") e co disposto no artigo 11 da Lei orgánica 3/2018, de 5 de decembro, de protección de datos persoais e garantía dos dereitos dixitais, informámoslle que os datos que vostede nos facilite na solicitude, serán tratados baixo a responsabilidade da Universidade de Vigo, coa finalidade de xestionar a convocatoria do obradoiro "Aula permanente de música tradicional galega para o curso 2022/2023 no campus de Pontevedra".

Coa súa participación nesta convocatoria a Universidade de Vigo publicará os seus datos, de acordo cos principios de publicidade e transparencia, e conforme ás bases desta resolución.

Non obstante e co fin de previr riscos para a publicidade de datos persoais de vítimas de violencia de xénero, dita circunstancia deberá comunicala a persoa afectada coa maior celeridade posible á Unidade de Igualdade da Universidade de Vigo ao teléfono 986 813419 ou ao enderezo electrónico igualdade@uvigo.es.

Estes datos trátaranse durante o tempo imprescindible para cumprir coa citada finalidade e serán conservados durante o prazo necesario para determinar as posibles responsabilidades que se puideran derivar de dita finalidade e do tratamento dos datos.

Ten dereito a solicitar ao responsable do tratamento, en calquera momento, o acceso, rectificación ou supresión dos seus datos persoais e a limitación do seu tratamento. Tamén terá dereito a oporse ao devandito tratamento, así como a solicitar, salvo casos de interese público e/ou exercicio de poderes públicos, a portabilidade dos seus datos.

Os devanditos dereitos poderá exercelos mediante solicitude en sede electrónica da Universidade de Vigo <https://sede.uvigo.gal/> ou solicitude dirixida ao Reitor da Universidade de Vigo e presentada ante o rexistro da Universidade de Vigo, ou calquera dos rexistros indicados no artigo 16 da Lei 39/2015, de 1 de outubro, do procedemento administrativo común das administracións públicas e remitida á Secretaría Xeral da Universidade de Vigo, Campus universitario Lagoas-Marcosende, 36310 Vigo (Pontevedra). Para máis información: <https://www.uvigo.gal/proteccion-datos>.

Igualmente poderá dirixir dita solicitude directamente á Delegada de Protección de Datos da Universidade de Vigo, ao enderezo electrónico: dpd@uvigo.gal.

Así mesmo, se a súa solicitude non é atendida pola Universidade de Vigo, vostede ten dereito a presentar unha reclamación ante a Axencia Española de Protección de Datos (AEPD).

